



## Galaana Fitnaa-Kutaa 2ffaa

### Description

Torbaan darbee yommuu fitnaan (qormaata, rakkoonâ€) buutu akkamitti akka tooâ€Matan tutuquuf yaalle turre. Harâ€Mas itti fufuun tooftalee fitnaa itti tooâ€Matan mee haa ilaallu.

**4.Oduu mirkaneefachuuâ€** dhugumatti ibiddi fitnaa yeroo baayâ€Mee kan qabatuu fi babalâ€Matuu sababa oduu sobaa fi jette jettee raabsunii. Namoonni baayâ€Meeen wanta dhagayanii fi jedhan osoo addaan hin baafatinii fi hin mirkeenafatiin namoota birootta dabarsuuf ariifatu. Kunii immoo badii badii irratti dabaluu jireenya darara, dhiiga namoota baayâ€Mee dhangalaasa. Yommuu namoonni akkuma argan oduu osoo hin mirkaneefatiin namoota birootti dabarsan, ajaja Rabbitti buluu fi tolee jechuu dhiisanii fedhii lubbuu ofii qofa jala fiigu. Namoota akka dhagaa jabaatan ni argita. Of dinqisiifachuun ana malee beekaa fi hayyuun hin jiru jedhu. Namoonni biroo isaan biratti wallaaladha. Mariif yoo waamaman nama jalaa hin dhagahan. Wanta ani jedhe malee yaanni nama biraa fudhatama hin qabu jedhu. Namoota akkanaatu dhiigni namoota nagahaa akka jiguu fi qabeenyi akka barbadaaâ€Mu sababa taâ€Ma.

Karaa fitnaa itti dhowwan keessaa tokko oduu mirkaneefachudha. Keessumatti nageenya ummata balâ€Maa kan tuquu yoo taâ€Me. Osoo oduu hin mirkaneefatin, asii akkas taâ€Me achii akkas taâ€Me jedhanii afuufun miidhaa fi gaabbii malee wanta biraa taâ€Muu hin dandaâ€Mu.

Oduu dhugaa taâ€Mee yoo argameeyyu, miidhaa fi faaydaa oduu tamsaasu keessa jiru abbichi itti yaadu qaba. Odeeffannoon dhugaa waan taâ€Meef hundii isaatu hin himamu. Gariin isaani dhokfamu qabu.

Abu Hureeyran akka jedhanitti qaraxiixi beekumsa lama Ergamaa Rabbii (Salallahu aleyh wa sallam) irraa kuufadhe. Qaraxiixi beekumsaa tokko nan tamsaase. Kan hafee immoo nan dhokse. Osoo beekumsa dhokse kana tamsaase silaa kokkeen tiyya ni citti turte (kana jechuun nan ajjeefamaa ture).â€

Kanaafu wanti hundii dhugaa taâ€Meef ifatti bahuu hin qabu. Namni tokko nan beeka jedhe wanta dhagaye hundaa yoo odeesse ibidda fitnaa qabsiisaa jiraa jechuudha.

Umar Ibn Al-Khaxxaab (RA) akka jedhetti **â€“kijiba irraa isaaf gahaadha yommuu namni tokko wanta dhagaye guutu odeessu.â€™** (Namni tokko wanta dhagayee guutu yommuu odeessu kijibaa fi hofoffe taâ€™a. Oduu osoo hin mirkaneefatin waan fiiguf odeefannoon isaa yeroon booda soba taâ€™ee argama. Kunu kijibaa isa gochuutti gahaadha.)

Rabbiin (subhaanahu wa taâ€™aala) odeefannoo dabarsuun dura akka mirkaneefannu itti nu ajaja:

**â€œYaa warraa amantan!,faasiqni(fincilaan) oduudhaan yoo isinitti dhufe wallaalumaan namoota akka hin miine fi wanta hojjattaniif akka hin gaabbine (oduu isaa) addaan baafadha.â€™** Suuraa Al-Hujraat:6

Yommuu namni tokko oduun nutti dhufu oduu isaa addaan baafachu qabna. Taâ€™uu baannan miidhaawwan gurgudda lama ofitti feena. Tokko namoota wallaalumaan miidhun adabbi hamaa adabamna. Lamaffaan immoo gaabbiin keessa keenya gubna. Gadaa fitnaan itti baayâ€™ate kanatti of eeggannoo guddaa gochuu qabna. Wanti sab-qunnamin (social midiyaan) tamsaafamu hundii dhugaa jenne yoo fudhanne fi hojii irra oolchine boodarra miidhaa baayâ€™ee dhandhamna. Madda oduu osoo hin mirkaneefatin fiigun boodarra nama boochisa. Calâ€™isuun furmaata hundarra caalu.

Socail media irratti eenyullee na hin beeku jenne wantuma argine share yoo goone fi sababa kanaan dhiigni nama tokko yoo jige, cubbuun nurratti feâ€™ama. Dhiiga namaa karaa kaminiyyuu jiigsun wanta salphaadhaa? Kanaafu oduu argine osoo hin mirkaneefatin calâ€™isneetummaan gadi lakkisuu irraa of haa qusannu.

**5.Arraba ofii qabuuâ€™** yeroo hundaa arrabaa ofii qabuu fi bakka sirrii taâ€™eetti itti fayyadamuun furtuu milkaaâ€™innaa fi gammachuuti. yeroo fitnaa oduu fi jette jetten waan babalâ€™atuuf gurrii wanta hundaa caqasa, namoonnis wanta dhagahan hundaa tamsaasuf ni muddamu. Sababa kanaaf rakkoon guddaan ni dhalata. Tarii jechi takka rukutaa seeyfi caalaa nama miidhu dandeessi. Sababa kanarraa kan kaâ€™ee Muslimoonni wantoota fitnaa babalâ€™isan irraa arraba isaani eegun isaan irratti dirqama. Kanaafi Rabbiin (subhaanahu wa taâ€™aala) akkana jedhe:

**â€œGabroottan Kiyatti jecha hundarra gaarii taate akka dubbatan itti himi. Dhugumatti sheyxaanni gidduu isaani balleessa. Dhugumatti sheyxaanni ilma namaatif diina ifa bahaadha.â€™** Suura Al-Israa 17:53

Sheyxaanni jechoota badaa akka dubbatan isaan gochuun wal dhabbi fi wal diigga isaan jiddutti facaasa. Kanaafu jecha gaarii dubbachuun yookiin calâ€™isuun badii kana hunda irraa nama tiiksa.

Wanta faaydi hin qabne dubbachuun maatii meeqatu diigame, lubbu meeqatu darbe. Seena fi manni haa lakkaaâ€™u. Osoo itti hin yaadin jecha takka ni dubbatta ergasii manni fi hariiron kee ni diigama. Kana irraa baraaramuuf arraba ofii lugaamudha.

â€œArraba ofii qabuu fi tooâ€™achuun hundee wantoota gaggaarii hundaati. Namni arraba ofii irratti tooâ€™anna argate, dhugumatti dhimma ofii sirnaan tooâ€™ate.â€™

Ergamaan Rabbii waaâ€™tee wantoota baayâ€™inna ibidda nama seensisan yommuu gaafataman,â€™  
**Arrabaa fi qaama hormaata.**â€™ Akka taâ€™tee ibsanii jiru.

Umar Ibn Al-Khaxxaab (RA) akka jedhetti â€™**Namni dubbiin isaa baayâ€™ate, dogongorri isaa ni baayâ€™ata. Namni dogongorri isaa baayâ€™ate cubbuun (dilliin) isaa ni baayâ€™ata. Namni cubbuun isaa baayâ€™ate immoo adabbiin ibiddi wanta isaa malu**â€™

Amala Ergamaa Rabbii keessaa tokko calâ€™isni isaani ni dheerata (dubbii hin baayâ€™isan), baayâ€™isanii hin kolfan. Nama kamiyyuu hin qeeqan, hin hamataniis, aybii (dogongora) namoota irra hin barbaadan; dhimma kamiyyuu irratti hin dubbatan Rabbiin irraa mindaa yoo kajeelan malee.

Yazid ibn Abi Habiib akkana jedhaa ture: *namni oduu baayâ€™isuu fitnaan akka dhuftuuf eega. Namni calâ€™isu immoo rahmanni akka buutuf eega.*

Akkuma jedhamu namni obsuu fi calâ€™isu gaabbin isa hin tuqxu.

Al-Fudayl akkana jedhe: *amaloonna lama qalbii gogsuu. Isaanis; baayâ€™isanii dubbachuu fi baayâ€™isanii nyaachudha.*

Sufyaan akkana jedhu: *dheerinni calâ€™isaa (calâ€™isa baayâ€™isuun) furtuu ibaadatâ€™*

**Abu Zayyaal akkana jechaa ture:** akkuma dubbii barattu calâ€™isaas baradhu. Yoo dubbiin kan si qajeelchu taâ€™tee calâ€™isuun immoo si eega. Calâ€™isa keessa amaloota lama horatta. Tokkoffaa nama si caalaa beekaa taâ€™te irraa beekumsa argatta. Lammaffaa, nama si caalaa mormii baayâ€™isu irraa of eegda.â€™

**Ibraahim ibn adihaam** akkana jedhe: calâ€™isuun kee yoo si gaddisisee dogongora arraba keetin uumamu irraa baraaramu kee yaadadhu. (Yoo dubbatte badii guddaa sitti fidu dandaâ€™a. Calâ€™isuun kee immoo badii san irraa si baraara. Kanaafu baraarama kana yaadadhu.)

**Ibraahim ibn Adihaamin** akkana jedhame â€™Eebalu seer-luga barataa jira.â€™ Innis ni jedhe,â€™Akkamitti akka calâ€™isuun barachuun isaaf wayyaa ture.â€™

**Muwarriq akkana jedhe,**â€™Dhimma tokkotu jira kan ani waggoota hanganaatif barbaada jiru. Hanga ammaatu bira gayuu hin dandeenye. Garuu ammallee barbaadu hin dhiisu.â€™ Namoonnis, â€™Yaa abbaa Muâ€™tamir dhimmi suni maalidhaa?â€™ jechuun gaafatan. Innis akkana jedheen, â€™wanta na hin galchine irraa dhowwamuudha.â€™

**Shaqiiq al-Balkhii** akkana jedhe:â€™namoota waliin yommuu hiriyyoomtu akka yeroo ibidda bira jirtu taâ€™ti. Ibidda irraa faaydaa isaa fudhu akka si hin gubne of eegadhu.â€™

Dhugumatti akkuma ibiddi nama gubu namoonni arraba ofiitin nama gubuu yookiin arraba keenyan isaan gubna. Osoo isaan hin miidhin faayda isaan irraa fudhatanii yookiin faayda kennaniif biraa deemun qarummaadha.

**6. Fitnaa irraa fagaachu fi dheessu**“ galaanni fitnaa yommuu dhufuu nama isa fundura dhaabbate haxaawe dabarsa. Nama jala gore immoo irraa gora. Haalli wal xaxaan yommuu uumamu, dhimmicha osoo addaan hin baafatin itti fiigun hin barbaachisu. Irraa dheessu fi hanga wantoonni ifa bahanii eegudha.

Ergamaan Rabbii (Salallahu aleyh wa sallam) waa<sup>TM</sup>ee fitnaa ilaalchise akkana jedhu:

“**Fitnaa ni dhufu tan ishii keessa nama dhaabbatu irra nama taa<sup>TM</sup>u wayyu (caalu), nama deemmu irra nama dhaabbatu wayyu, nama fiigu irra nama deemmu wayyu; namni fitnaaf of saaxile, isa ni balleessiti. Namni iddoo eeggumsaa yookiin iddoo baqaa argate, itti haa baqatu.**” (Sahih Al-Bukhaari)

Dhaabbatanii tarkanfii gara fitnaatti fudhachuun dura taa<sup>TM</sup>anii itti yaadutu caala. Fiigu irra suuta tarkaanfatutu caala. fitnaan yommuu dhufu nan too<sup>TM</sup>adha jedhanii itti fiigu osoo hin ta<sup>TM</sup>in jalaa goruu fi baqatutu caala. Meeqa kamtu nan too<sup>TM</sup>adha jedhe galaana fitnaatiin nyaatame hafe.

Al-Ahnaf ibn Qays akkana jechuun gabaase:

“**Fitnaa ni dhufu tan ishii keessa nama dhaabbatu irra nama taa<sup>TM</sup>u wayyu (caalu), nama deemmu irra nama dhaabbatu wayyu, nama fiigu irra nama deemmu wayyu; namni fitnaaf of saaxile, isa ni balleessiti. Namni iddoo eeggumsaa yookiin iddoo baqaa argate, itti haa baqatu.**” (Sahih Al-Bukhaari)

Ani namticha kana gargaaruf deeme (kana jechuun Ali ibn Abi Xaalib). Ergasii Abu Bakraan karatt<sup>TM</sup> natti dhufe. Akkana naan jedhe, <sup>TM</sup>Eessa deemtaa? <sup>TM</sup>Anis nan jedheen, <sup>TM</sup>Namticha kana gargaarufi. <sup>TM</sup>Abu Bakraanis ni jedhe, <sup>TM</sup>Deebi<sup>TM</sup>! Ani dhugumatti Ergamaan Rabbii (SAW) osoo akkana jedhu dhagaye jira. <sup>TM</sup>Yoo Muslimoonni lama (wal ajjeesuf) seeyfiin wal qunnaman, kan ajjeese fi ajjeefame ibidda (Jahannam) keessa ta<sup>TM</sup>u. <sup>TM</sup>Anis akkana jedhe gaafadhe, <sup>TM</sup>Yaa Ergamaa Rabbii kuni silaa ajjeessadha, ajjeefamaan hoo maal balleesse? <sup>TM</sup>Ergamaan Rabbiis ni jedhe, <sup>TM</sup>Saahiba isaa ajjeesuf fedhii cimaa qabaa ture<sup>TM</sup> (Sahih Al-Bukhaari)

Kanaafu fitnaa irraa dheessun nama qabbaneessu ta<sup>TM</sup>uu qabna. Ta<sup>TM</sup>uu baannan sababa keenyan dhiigni baay<sup>TM</sup>een jiga, qabeenyi saamama, kabajni mulqama. Kanniin hundaaf boru itti

---

gaafatamoodha.

Akka gabaafametti namtichi tokko Huzeeyfatti dhufun akkana jedhe gaafate, Yommuu Muslimooni wal lolan, maal akka godhu na ajajjaa (na gorsitaa)? Huzeeyfaanis ni jedhe, Iddoo jireenya keetti mana fagoo ta'e barbaadi itti baqadhu. Si ajjeesuuf yoo sitti dhiyaatan, akkana jedhiin, Kunoo! Cubbuu kiyyaa fi cubbuu keessan baadhaa!

**Ibn Mas'ud akkana jedhe** Yommuu namoonni fitnatti kufanii, Namoota keessatti nama fakkeenya gaarii taate, bahii yoo siin jedhan, Badii (sharrii) keessatti fakkeenya gaarii hin ta'u. Jedhiin.

**Abu al-Haris al-Sa'igh akkana jedhe** Abbaa Abdullah (imaam Ahmad) waa'ee dhimma Baagidad keessatti adeemsifame gaafadhe kan namoonni mormiif bahan. Ani ni jedheen, Yaa Abbaa Abdullaah! Namoota kanniin waliin bahuu maal jettaa? Isaan irratti jibbuun imaam Ahmad akkana jedhe, Subhaan Allah (Rabbiin qulqullaa'e)! Dhiigni jigu, dhiigni jigu maal haa ta'u?! Kana arguus hin barbaadu ittis hin ajaju. Fitnaa dhiigni itti jigu, qabeenyi namoota itti saamamu, kabajni itti mulqamu irra obsa amma keessa jirrutu caala. Hin beektuu sila! namoonni akkam akka ta'an yeroo fitnaa? Anis ni jedheen, Har'a hoo! namoonni fitnaa keessa hin jirani yaa Abbaa Abdullaah? Innis ni jedhe, Yoo fitnaa keessa jiraatan, fitnaan tunii murtaa'odha (specific). Yoo seeyfiin ol kaafame, fitnaan tan babal'attu fi wal xaxxuu taati, daandiin sirriin ni cita. Obsa yeroo ammaa keessa jirtu kanatu sii caala kan amantiin kee nagaha itti ta'u.

Isaa (Imaam Ahmadi) namoota mormiif bayan akkana jechuun qeequ arge, Dhiiga, dhiiga.. Sirrii ta'uuun natti hin mul'atu, ittillee hin ajaju. (Basaa'ir filitan Fuula 105, Arabiffa, In English Page 44)

Shaykh al-Islam, Ibn Taymiyyah akkana jedhe, Hogganaa angoo qabu mormiif namni bahu gochi isaa gaarii dhaluu irra badii baay'ee dhalu malee hin hafu. ( Gaarii isaa caalaa badii baay'etu uumama. Dhigni namoota nagahaa ni jiga, qabeenyi fi kabajni namoota ni saamama. Sababa kanaaf obsi filatamaadha.)

Ibn Taymiyyaan dhuguma jedhan. Mee gara addunyaa Arabaa ija keenya haa naanneessinu. Lubbuun namoota nagahaa kumaatamatti fi miliyoonatti lakkawaaman ajjeefamaa jiru, qabeenyi baay'een barbadaa'a jira, namoonni qe'ee isaani irraa buqqa'anii gadadoo keessa jiraataa jiru, kabajni namoota mulqamaa jira. Dhugumatti badiin kuni hundii uumamu irra obsuun gaariidha.

Kanaafu fitnaan yommuu uumamu ibidda itti qabsiisu irra irraa dheessu fi fagaachutu caala. Gariin namaa Ati dabeessa' siin jechuu danda'a. Dubbii nama kanaa dhageesse, gootummaa kee agarsiisuuf yoo duute boru Rabbiin maal jettaa? Jihaadaf nan baha yoo jette, jihaanni seera fi sirna qaba. Lubbuu namoota nagahaa galaafachuun jihaada hin jedhamu. Kanaafu yeroo fitnaan akkanatti baay'ate kanatti irraa dheessutu nama baasa. Wanti guddaan nuti sodaachu qabnu, qabeenyi keenya barbadaa'u fi lubbuun teenya baduu osoo hin ta'in, Aakhiraa teenyaf sodaachudha. Khaatimaan (dhumti) namaa yoo badde, adabbii ibiddaa irraa akkamitti baraaramaa?

---

Insha Allah torbaan hanga kutaa itti aanuun walitti deebinutti Assalamu aleykum wa rahmatullah wa barakatuh.

Kitaaba wabii

[Basaaâ€™Mir fil fitan \(Arabic\)](#)

[The Way out of Tribulations \(English\)](#)

**Date Created**

October 23, 2016

**Author**

admin